

Jekabaara

Jamona

Cikla ceman n'a museman kumtafonisben


Faamuya

Yiriwaton

MUSOYA TE MONEKO YE,



FO N'A KERA MUSOKOLONYA YE



Dakunw

№ 2

Ben-ko-la de be dugunin
ke duguba ye

№ 3

Musoya n'a korow

№ 4-5

Musow ka jetaa sabatili bolofara
MAKOCI kono

№ 6

Bamananya te ko lankolon ye !

№ 7

"Hun" bee te bo kasa ye, "hun" dow
ye kononagan ye !

№ 8

Dana ma man di fo ko bilen don !

№ 9

Ginan sigicogo

Balabugu danteken

№ 10

Mali waane ntolatan

№ 11-12

Nsirinw ni ntaalenw

Kalo laadilikan

Nkerenden te wolo a
fa nena, nk'a b'a
fakan fo

Saka Jakite, Buguni MAKOCI
cikekafo balikukalanfa do

Ben-ko-la de bε dugunin ke duguba ye !

N balimaw bolonkonin kelen koni bε se ka belekise jensen, nk'a te sek'a ta de ! An k'o faamu forow kono ani werew ni jegemonyorow la. An k'o faamu an ka adamadenya layiriwa baaradaw bε la. Mogonin kelen te se ka ke fosi ye jirinin kelen jolen ko fugakeneba kan. Fijewb'a lananiawa dugukolo fana b'a janfa don do. Kono kulu jelen de bε bii fo. Awa mogokulu jelen de fana be konin ke koba ye ! Ben de jogon te ! Aw m'a ye hali nsonsan kelenna bila mine man go wuluw bolo. Kungodaw kono ; dugubaw kono ani togodaw kono, an ka ben. An ka ko to jogon ta la, n'o kera an b'an ka ninifén sor, n'o y'an ka sigida layiriwaliye. Ni ben ma koo ko ne, benbaliya te se k'o ne. An ka kuma in dun be mun kan ? O ka kan ka fo aw ye barisa kumabaliya kafisa kumaba lankolon fo ye ! An be min nini o de ye danaya ye cikelaw ni cikebaarada mogowce. U kelen kelen bε k'a don ko ka bi Ala ye dijne da, do de ye faamuya lase dōwεre ma. Yali a te fo an yerew ka kan na wa ko : adamaden laadibagantan ye don do kunfemogo ye wa ? Cikelaw yere ka ben u ni jogon ce. U k'u jija fana ka mineniko numankesenekebaaradaw mogofaamuyalenw ka laadilikanw la. Ni senekebaara mogofaamuyalenw ye min f'u ye, sanni u ka siga don o la, a kafisa u k'a sifile folo ! Senefenw sicayali b'o la ; foromajan bilali b'o la ani jetaa wale wεre. N'i y'a men karisalakaw ka dugu taara ne, u y'o de la nini de. Ko si te se ka cun jonnin kan n'a ma min lajini a yere ye ! Ni garisegeko ye tine ye, jaragelen de b'a sidon de ! Wale nata min bena sigisen kan sisan, n'o ye marawnikafow ani kubedaw ni duguw bε tøgølako

tolu y'u yere bolo, ni dωw k'o ma ko "desantalarizason", o sintibere ye mogokelen-kelen bε de ka faamuyali ye ko duguba ye duguden kelen-kelen bε de ka tufaden sigilen ye jogon kan. O kanma, k'a ta MAKOCI cikelaw la ka se OHVN ni ODIMO ni cikebaarataw bε kono mogow ma, an b'a fo ko : aw ni ben ; aw ni daba ; aw ni jogonfaamu. An ka jamana in kono, filiba kelen de bε mogow la min b'an ka jetaa senna sumaya. O ye de ko bε de b'a fo ko nemogow te baara ke ; um'u joyoro fa ; ubor'an jikorona Nka mogo si t'a yere nininka ko : "Ne yere ka kan ka mun ke walasa ka jetaa sabati ? " O de dun ye balawu ye barisa jamana si te se ka jo jamanadenw ko, kuma te maraw ni kafow ani kubedaw ni duguw yere kono mogow ma. Jetaa ni bonogola te san ji ye min be fin an kunna ani ka jilas'an ma. Jetaa ye jamanaden kelen-kelen bε de ka joyorofa ye a ka hake la. Ninnu bε folen ko, an da bεna se kuma bakurunba yere ma sa awe ye. O te dōwεre ye nin ko :

Balikukan ye jemuufanga ntuloma ye

Araba, 1993 san kalo 9 n'tile 8, o don o tun ye don barikamaba ye dijne fantan ni naani bε kono. Balikukan togolodon don. A be san bi danmado bobo, don ingintan be ke dijne jamanaw bε kono. Awa, jamana kelen-kelen bε fana b'a bila kadara do de kono ka ben a yere taabolo ma o waati la. Ninan, Malijamana y'a bila jemuufanga kadara de kono. Okoro te jini yoro jan ka masoro bε b'a don ko kunfin ka jamana baara be i n'a fo dibi-rofenjinina de. "N'a bolo ma talon a ka fen jinita la k'a bon, a sen be talon a

la k'a jensen !". Fasobaara fara yereyebara kan, ninkelen-kelen bε kecogo numan nunjuru ye kalan de ye. O yere de kanma, Bamako marakuntigi, n'o y'an balimamuso Si kunda Kajatu Soye, oy'a jira gintan in kuma jogonyakene kan. ko : "Balikukan ka kan ka ke baara yiriwafen de ye an bolo. Non te a t'a minen fa". O ye tine ye. Bi-bi in na, mankutuba gansan foli danma waati ka kan sa ka latemēn balikukan kunkan an bara yan. An ka koba ke damine. MAKOCI ni OHVN ani ODIMO ni cike layiriwa baarada werew cikelaw b'o sira kan ka ban ! Nk'ot'an bε de ! Aw yere k'a laje, wote waatiw la, an ka tubabukan dogotorobaw bε tun kera bamanankan fobaga donsobaw ye arajow ni telewisonw la. K'a ta peresidanya ninibaaw la, ka se depiteya ni meriya ninibaaw la, a bε ! Sisan, a murumurunin de be bamanankan fo anw cikelaw n'an kungo-kono-mogotow ye. Afon'otora senna an barakan ninnu belabanban de ? Feesu ! An be foli ni walenumandøn lase, nin yoro in na, an ka jamanakuntigi Alfa Umar Konarema ani Setigi Bakari Trawele, olu minnu y'a sementiya u ka walew senfe, togodaw la ani Bamako yan, k'an barakanw jogon te lafaamuyalisira la fanga ni jamanadenw ce. Nka yali olu danma ka wale b'a bo wa ? Ayi deresi ! Marakuntigiw ; kafokuntigiw, kubedakuntigiw fo ka se baarada nemaa tow bε ma, olu kelen-kelen de fana ka kan ka da an fasokanw la, k'u k'u ni jamanadenw ka jogon-don-jogonnaberew ye. N'o kera don min, o don de an b'a fo ko : Tine yere la, an

ka kanw donna da la ! Danmantan o dun ma ke, fo ka an nɛmaaw to tubabukanba fɔliw la an ye, ka fasokanw dɔnbaliya n'u fɔbaliya sawura to u kan, aa, an ka kanw kalanni tɛna ke hali bugudanin ntuloma ye, sanko jɛmufanga. O kanma, an ka wuli k'an wasa don an bara kanw la. An ka kunnawolo sɔɔ n'an barakanw fɔli n'u faamuyali ye. N'o de kera an na se k'a fo ko "tabaarakala Ala ye ani an yɛre ye".

An hakili la ko 1994 san kalo 9 n tile 8 gintanw n'o waleyaw damineni k'aka jemukan ntuloma ye. Kosite ke gansan awa ton fana te sanfela lasoro juru kɔ de ! Nɛmaaw an b'aw kɔlosi la sa de !

Aw ni ce aw ka faamuya la !
(Jekabaara kalanbagaw)

Tumani Yalam Sidibe
Jekabaara sɛbenɛkulu kuntigi

Ganseli

An be Jekabaara kalanbagaw n'a lafasabagaw ladɔnniya ko "Jamana Sorofe" ye kumabaranin (kaseti) do labɔ Tansonbana kan. Kumabaranin in be kunnafoni bɛe di awma bana jugu in kan, ani k'aw bilasira yɛretanga cogo la bana in ma. Kumabaranin in feereli daminenka bi nténendón, 1993 sankalo 9 nantile 13. Kumabaranin in sɔɔnɔye d. 150 ye.



Ka bo Jamana baarada feerekow bolofara la.

Musoya n'a kɔɔw

Musoya yekumabye. Kuma kɔɔani kuma dun ! An b'a men yɔɔ bɛe ani da bɛe kɔɔ. Kɔɔ kelen t'a la. Ne be kɔɔ minnu men a la, olu file : A kɔɔ fɔlo ye fangantanya. Misalila, ce min kun mana sa kosebe, mɔgɔw b'a fo a ma ko : karisa yemuso yɛre de ye. N'imagara a la dɔrɔn a be bin ! A kɔɔ filanan ye salaya ye. A be fo ko karisa ka sala i ko muso. A kɔɔ sabanan yesiranbagatɔya walima jitɔya ye. N'o kelen-kelen bangera ce o ce la, mɔgɔw b'a fo a ma ko : karisa jitɔ walima karisa be siran i ko muso. A kɔɔ na aminan ye dafegenyar ye. Ni ce min da lafegenyara walima, n'a da be kurna bɛe la, a be fo o ma ko : karisa da ka fegen i ko muso. A kɔɔ duurunan ye funu ye (datigɛjɔgɔnna sira fe). N'o sɔɔ be ce o ce la, a be fo o ma ko : "musomɔgo". A kɔɔ woɔɔnan : o ye misenya ye. A be fo ko : "Nin ce in ka misen, a ka sira be fen bɛe la i ko muso". Ninnu bɛe temennen kɔfe, hali ni musow fe jɛnɔgɔnya ka di ce min ye, a be fo o ma ko "ce-musonin".

Ni muso bangera, ni nininkali kera ko : "den ye mun ye ?" n'a y'a sɔɔ ce don, bɛe b'a fo ko "tabaarakala" ! A kibaruya be jensen. I be mɔgɔw kan men ko : "A bangera denke jɛnana na !" . O be nisondiyajira. Misalila, halibagan kunda, i be bagantigi kan men ko : "n ka sagamuso ye saga jigi ci dugu la !". Walima: "nka misimusoyentura jɛnana wolo".

Anw hadamadenw yɛre fe, ni den wolora, n'an be dugawu ke, an b'a fo ko : "Ala ka den balo ; k'a nɔna ke ce ye !". Den mana tan bo, n'a bɛe kera ce ye, an be tugun k'a fo halisa ko : "... k'a nɔna ke ce ye !". A te fo abada ko : "Ala k'a nɔna ke muso ye". O dun bora mun de la ?

Ni muso kera denke wolola ye, an b'a fo ko : "alihamudulahi, Ala dugara muso in ye. A den bɛe ye ce ye !". Wa o muso masina be k'a ce ka bara ye ! A denw na ke centabagaw ye !

Dugu kɔɔ, dɔw n'o muso o jɛngoya, dɔw jɛ na bo a fe. O muso o yɛre, n'a ma ke Ala dɔnbaga ye, a fana na waso a sinamuso "denmuso" wolobagaw la. A n'u kɔɔmatige ; k'u kɛle. Waati dɔw la, an

b'a men ko : "nafa jumen de be karisa la, ni denmuso wolo te !". An b'a men fana mɔgo dɔw da ko : "Denmuso ye mun ye doni gansan ko, walima wali du jobaga !". Nka ne Umu yɛre ma min faamu nin ko in bɛe la, o de ye nin ye : "buranke jumanw mana u kunbo denmuso nofe, ni furunafolobaw bɔra ; ka Makantaaw lahidu ta walima k'u ke, o yɔɔ la, denmuso nafa be dɔn. Nimisayɔɔ te ye a la". Fen were fana be yen n'min faamu. N'y'a lakolosi ko muso min mana baara kolo gelɛn walima baaraba ke, n'a te siran, i t'a men mɔgɔw da abada ko : "Nin ye muso ye !". I b'a men de ko : "Nin muso in yekamalen kɔɔye. Kamalen kɔɔ ka juru t'a la !". A be fo ko kelenpe de la ko : "karisa ye muso dafalen ye". O ye ce ne ni bonya ani janya mana je ka jɔɔn sɔɔ muso min na.

Kolɔsili dakun na hali bi, ni ce min ye musobaara ke, o ye kunmasuliko ni maloyalako ani ko dogonta de ye.

Ni den fagonna, i t'a men abada ko : "ce-jugu-den". I b'a men de ko : "muso-jugu-den file !". A be fo ko : "Ni muso kera waraba ye, a den be ke jakuma ye". Nka, nininkali : yali muso muñunen ni ce waraba den be ke waraba ye tuma bɛe wa ? Ala kɔɔba, e min ye san ni dugu da, yali musoya kɔɔ ye kofemɔgɔya danma de ye wa, walima kojugu were de don ? Ne hakili la, musoya ye kosaba de ye. Fɔlo : horonya ani feere : Ni muso y'a kan di ce o ce ma kasɔɔ nkalon t'a la fewu, saya b'a sɔɔ o horonya sira kan. Ni n'ko feere, ni ce farinyara i n'a fo waraba, a mana juguya i ko saya, muso n'a ka feeretigiya de b'a lasumaya dewu-dewu, i ko ji suma.

Musoya ye fen were min ye, o file nin ye : kegunya. Muso te dese a ka nin-kan-fen soroli la. K'a sabu ke ale be baara ke n'a hakili de ye.

Nin bɛe de kanma an ka kan ka kɔɔ were jini musoya la min t'a kɔɔ fɔlen ninnu ye.

Welekan : An be bɛe kelen-kelen hakilinanta makɔɔn musoya kan.

Umu Amar Trawele

Musow ka jetaa sabatili bolofara MAKOCI kono

Kabini 1981 san, Mali koori cikayiriwada y'i nesin a ka mara musow ka jetaa ma. Kabini koorisene damine, fo kana se o waati ma, musow tun sen ma don a ka jetaa baaraw la. Walew tun nesinnen don cew doren ma. A kolesira ko hadamadenyat sekadilannimusow sen t'a la. Cew doren mana jidi, ni musow ma jidi, o ye jiidili to ka je ye. O cogo kelen na, musow doren mana jidi ni cew ma jidi, o ye to ka je ye. Osiratoge la, MAKOCI y'a ka baara kunfowl, (musow ka jetaa sira kan), nesindenwka kenye ma. Ohukumu kono a ye musojemog kelel-kelel sigi a ka mara daw kono. N'olu ye : Fana, Kucala, Sikaso ani San ye. O musokuntigi ka baara tun nesinnen donmusownidenwka kenye sabatili feerewjensennima duguwkono. Feere jensennenw tun be tali ke beseye, niwakini dili denw ni muso lasiritow ma, minniji sanniman sorocogo, ani dumuni nafama dilancogo ka di denw ma. o baara ninnu tora sen kan fo 1983 san.


Baara ninnu kiimeli sen fe 1983 san, a jirala ka fo ko wariko geleya b'a towale folen ninnute sira soro kosebe. Ko fo ka feerew jini minnu b'a to musow be se ka soro ke u yere ye, min b'u demen denw ka furakow la, ani u denmusow ka kognominenkow la.

Olu bee temenen ko, walasa u ka se ka nafen misenw songo soro u yere ye. A jirala tugunni ko ka feerew jini, minnu be ke sababu ye ka musow lafiya u ka baara daw la ; ani ku sen don balikukan na, walasa faamuya ka sabati kosebe u fan fe.

O baara ninnu waleyara dugu caman kono, o waati la fo kana se 1986 san ma. A kolesira o san na k'a baaraw tun be dan sira la, bawo mara kelen ka bon musokuntigi ma.

Fo mogow ka soro minnu be wale folenw kolesi dugu kono. Mun tun y'o ke, musakako tun no b'a la.

MAKOCI nemogow ye a lanini nanzara jamana do fe, n'a be fo o ma ko Peyiba walima Holandi, walasa o k'u demen musow ka jetaa sabatili baaraw la. O lanini jaabira 1987 san. Okera sababu ye ka musow ka jetaa bolofara baaraw sigi sen kan. K'a ta 1987 san fo kana se bi ma, bolofara nin be baara la, baara in be to senna fo 1994 san na. A baara be MAKOCI mara duuru bee kono. N'olu ye : Fana, Kucala, Buguni, Sikaso ani San.



Dugu o, du o, nin si te diya muso k!

Bolofara in sigikun sen kan MAKOCI fe

Bolofara sigira sen kan MAKOCI fe wale damadaw kanma. Olu file nin ye :

- ka musow demen walasa u k'u joyoro fa du kono, dugu kono, jamana kono jetaa sabatili sira kan ;
- musow ka feerew jini, u yere ka geleyaw kelen-kelen bee la ;
- musow ka baara ke, minnu be ke sababu ye ka do fara u ka soro kan ;

- ka feerew jini, minnu be se ka ke sababu ye k'u lafiya u ka baara daw la, i'n'a fo jousu, kolesu, dognini; olu n'u jognna werew.

Ayiwa, n balimaw, yala wale ninnu y'an balilanko ye wa ?

An be se k'a fo ko ayi, wa a ninini b'a kun bo. Bawo, a be san danmadob, yelema caman donna an sigidaw la. Yelema ninnu kera sababu ye, ka musow ka baara daw geleya kosebe, n'olu b'u ka kenye bali ka basigi. Yelema daw file :

- ja nana ni ji ko geleya ye ;
- ja nana ni dogo ko geleya ye ; bawo jiriw dogoyara ;
- ja kera sababu ye ka cew ka tungannataga caya. Ni cew taara tungan na, du wali gwa n'a kunkow be to musow doren bolo.

Baara taabolow n'a feerew

Bamananw ko "Ni soli ka bo ko be taamala min kono, o be a ka solaben ka si", wa u ko tuguni ko "Kun te di, a tigiko". Osiratoge la, musow ka jetaa sabatili bolofara in ka baara taabolo bee sinsinnen don musow yere ka hakili jakabo kan, u yere ka baaraw kan ; ka tila ka geleyaw bee la bo kelen-kelen, ka soro ka feere jini u kelen-kelen bee kanma.

Baara be damine ni dugu donni ye tile fila kono. Otile fila kono, mogow be tila kulu ni kulu ye, olu hakililaw be fara jognon kan, ani dugu nemogow (ce ani muso), ni denmisenn bee hakililaw be fara jognon kan. Kulu ninnu bee b'u hakili jagabo musow ka baaraw, n'uka dinenatige latigecogow kan. Dugu donni mana ban jaabi lasegin be ke dugu mogow ma. O kunnafoniw be tali ke baara taabolow, kan, ani baaraketaw bolodali. Baara taabolo mana bo yen wale werew be yen an b'an sinsin minnu kan, baara taa feerew la : i'n'a fo :

- baara daminen a dugu minnu na ka ban, k'olu demen, cogo min baara minnu be jognon dafa. Olu feere be sigi sen kan.

Misali : Ka juru don musow la, walasa u ka situlu san ka mara, ka

soro, k'o tulu ke ka safune dilan.

* tigasene, ka soro k'o tiga nagaw mara, ka sagajigiw labalo n'o ye k'u feere seliba nekoro.

* ka forobakesu sigi dugu musow fe, walasa u ka se ka juru don noggona, n'a ma ke mogo were ka jurudon ye.

- Ka baara nafamaw waleya dugu kono, musow fe walasa u ka soro ka sabati.

- Ka musow sendon duguw ka netaabaaraw bee la, walasa u k'u joyoro fa faso jiidili la. O la sa fo k'u (musow) sendon MAKOCI baaraw la, i n'a fo : jurukow, balikukalankow, baganmarakow, on'a noggonna werew.

Baaraw bee sen koro ma tintinnan ye kalan ye. Kalan min nesinnen don dugu mogow ni MAKOCI baarakelaw ma.

Baara waleyataw bee cogo jumen na sisan ?

1991-1992 cikesan baara ninnu waleyara dugu 198 noggonna na MAKOCI maraw kono. Baara be boli sira caman kan :

- Cikesira kan : gerek malosene, le labennen kono malosene, tigasene, koorisene, benesene...

- Nakosene : nafenw seneni walasa dugumogow ka se ka fen kenew dun tilema fe dugu kono. Balo duntaw ka ke balo nafamaw ye, ani musow ka se ka waridoon soro.

- Feere minnu be musow lafiya u ka baara kologirinw la ; i n'a fo



Noggona-kuma-noggonya de be sigi bee sinsin

nossimasin ani situlubomasin.

- Jagomisenw : an be se ka safunedilan, pomadidilan, jo sanni ka mara, ka soro k'a feere a songo yelnnen.

- Dugukolonon kumbenni baaraw : musow joyoro ka bon kosebe dugukolonon kumbenni baaraw la.

- Musow ka kalanjiidili duguwkono.

Baaraw bee be waleya MAKOCI cikekafo 25 kono, a ka lakoliden fe. Demen be don u ma, cike lakoliden musomanw fe. Bi-bi in na cikekafo muso nemogo be ta mogo 9 la. Ka cikelamin wali, kafoyiriwat muso kuntigi mogo 10 noggonna na d'o kan ; ka fara cikemara muso kuntigi 5 kan. Musow ka netaa bolofara nemogosoba sigilen be Kucala.

Jekabaara bota nataw la, an da bena se walew kelen-kelen ma. Nka, walasa baaraw ka sira soro, fo bee k'i

césiri musow ka netaa la.

N balimaw, do kera, do fora, bari musow joyoro ka bon an ka dinenatige la. O la sa, an be se k'a fo ko :

Awaatitun sera hakilila inka bange

;

A waati tun sera musow ka dinenatigecogo ka soro hakili la ;

A waati tun sera taabolo ninnu ka lajidi an fe ;

Awaatitun sera an k'a don ko jiidili te ke a tigi ko ;

Jiidili in ka kan ka ke feerew la min b'a to a be si soro ;

A waati tun sera a ka don ko musow ye faso n'tuloma do ye ;

NTuluma min mana fara n'a be fine bila an ka hadamadenya la ; walasa jiidili ka sabati, an ka bugudaw la, fo ce, muso denmis en ani maakoroba, bee k'i nesin musow ka netaa baaraw ma. Fo an ka nine korolen dow ko ; fo an ka korolen dow bila kerefe, walasa bobo ka kuma, walasa fangantan ka fanga soro.

Wa jiidililaw, aw ni sanjikoro woosi; baara nin te bo kun na, n'aw ma aw nesin a ma, bawo dan te jiidili la.

Nin hakilila in sebenna :

Yusuf Jime Sidibef, n'oye Kucala kalan fa filanan ye, ani Simone Kretibek, musow ka netaa bolofara nemogo.

Baleymabaga bamanankan na : Yusuf Jime Sidibe, Kucala Kalanfa filanan



Muso mana demen k'a layiriwa, o nafa folo be sigida bee de kan

Bamananya te ko lankolon ye !

Jekabaara boko temennenw kono, an da sera bamananya ntuloman sinsinnen dōw ma an ka jamana kono. Osiratge la, aw ye bamananya taasira dōw dōn Namabugu dugu tarikuseben kono. Osiratge kelen na, an da sera Cenda ma aw ye. O bee de nana ni Jekabaara kalanbaga jolenw n'a lafasabaga lakiw ka batakiw cili ye an ma, walasa k'an ka jemukanw lasinsin. O de dun y'an ka wale fōlōw kun ye ! Boko in kono, aw bēna caman wēre dōn bamananya jōsenw kan, an terike n'an jenogonke Saka Jakite ka sebenw kono. Saka Jakite ye balikukalanfa dōye Buguni MAKOCI cikemara la. I n'a fo a yere y'a lahidu ta seben in kono cogo min na, an dalen b'a la k'a na bataki dōwēre cian ma, walasa lafaamuyali in kana ke "tōnegeto-n nako" ye an bolo bamananya kan.

Jekabaara sebenjekulu

Bamananya te kufeko ye

Banabagato ka bana te furake i kufé . I b'a jini folo k'a dōn n'a be keneya walima n'a te keneya. Jiri te kuma, nk'a be se k'o nōgo mōgo ye.

O kēcogo dō file nin ye :

I be wuli ni banabaato tōgō ye ka taa genusun lami sije saba walima sije naani ka kēnēni banabaato siya ye. K'a bulu dō tige, kan'o goro filen kura kono, jikura la. Ni ji nōgōmayara, o kōrō ye ko banabaato be keneya. Nka n'a ma son ka nōgōmaya banabaato te keneya.

Jiriwdara cogomin na hadamaden fana dara ten.

Mōgo bee n'a dadon, jiri bee fana n'a dadon.

I bangedon be ben jiri min dadon ma, o de bulu kuru kelen be tige ka nagamii ka bana fura la, n'okera, ob'i ka bana lakari. Ala ye dani ke, Ala ma kēnēni ke. Jiriw dadonw file nin ye :

nkunjé dara karidon
zaban dara ntēnēndon
nēre dara taratadon
tutu dara arabadon
joro dara alamisadon
mana dara jumadon
karo dara sibiridon

Ni mōgo min bangedon ma dōn, o ka banafura be tige a ka bana damine don ma.

Fura te tige kufé. Hadamaden bee n'a doolo don, o doolo bee fana n'a bōwaati don.

O doolow tōgō n'u bōwaatiw bēna seben Jekabaara boko nataw la.

Nkerenden te wolo a fa jena, n'k'a b'a fakan fo

An ka segin an ka farafinjiriw ma, bawo tubabufuraw da geleyara

1. Konodimifura : I be bunbun fara, banan fara, jala fara ani namakubara mugu bō ka to k'o di konodimito ma a k'o dun. U be se ka tobi fana, a k'a ji min.

2. Konoboli fura : I be julasonkalannin, ni dōw b'a wele ko ntontigi, ani buyakibulunin ni najaka bulu tobi. N'a ji sumana i b'a di konobolito ma.

3. Joli caya bana : I be filenjiri bulu ni layi tobi ka to k'o ji min.

4. Liminanco walima dagafinfin fura : (musow ka bana don)

I be ntimitimini bulu tobi ka seliji ta n'a ye ani k'a ji dō min.

5 Funu fura : I be danaba walima dunukerente ka so dantan bōgo lasi ji la, k'a mun funu na. N'o kera a be fo.

6. Furudimifura : I be ntonabelebele bulu tobi sije kelen ka to k'o ji min.

7. Tumu fura : I be manjekise susu ka t'o k'a mugu ke ji la k'a min.

8. Tin fura (walima muso lajigili fura) : I be fulo numanbolo bila daga la, ka ji wuli a kan, k'o ji di muso kōnoma ma, k'i sigi ka den makono !

9. Zanfala fura : I be kunnisorobulu susu k'a da ji la ka to k'i fari joosi n'a ye.

10. Kololaci walima koloci fura : I be kolokolo bulu tobi ka to k'i ko a la ani k'a ji dō min.

11. Sisan fura : I be dubasogo laja k'a mugu ni neberēbilen mugu

nagaminanijarakogo, ka tok'o mugan.

12. Tonsonimi konodimi fura (a be kono kalo kelen ni fila tige) : I be ntori wolonwula jolan naani wolo bō k'o sogo fara nōgon kan. Koro binkenelama min be ke koji jatola kunna, k'o tige-tige bōre kan. N'a jara, k'o mugu bō. Ka sōro k'o ke ntori woro naji la, ka jarakogo k'a la, ka di konodimito ma a k'a min.

13. Jolifura : I be sonsan bo ni subagabaganin den sisi, k'o don tulu la, ka mun joli la.

14. Sumugu cida fura : I be malogasa susu ko mugu ke gankene na, k'u susu ni nōgon ye, k'a mun sumugu cida la. A be ja.

15. Yegeru fura : I be dugunugukunba bo dalaje, k'o da ji la ka sōro k'o ji seisenen min.

16. Surafiyen fura : I be ntorolenni biné kalaya tasuma la. Na sumana, i b'a don finikolonnin dōkono k'a mōsi i nē kan.

17. Konoja fura : I be kontaba kiss susu, k'a muguw wuli k'a ke kafe ye. I kono be boli.

18. Koko fura : I be nkunankunan dili dugunjé sen, k'a tobi ka to k'a ji min.

19. Golokoroda fura : I be nerebulu nintonnabelebele bulutobi k'i wusu a la, k'a ji dō min ani k'a naga ke ka dimiyoro digi-digi.

20. Tulodimi fura : I be nasebe susu k'a bisi i tulo kono.

Bamanan t'a kufé

Bamanan na, dafén dōw be yen

minnu bë wele ko : labitaaniw. A kôlosira kobamanankalotile otile, olu bë bëdijé fandola, ka taa fan dôwêre la. N'i b'a fe ka taa yoro o yoro, i b'a la je folo n'a y'a soro i ma jesin u ma. Bawo n'i taa fan benna labitaani fan


ma, i bë wuli mako min kanma o te ne. Nin katimu dilanna walasa mogow k'a dôn kalo tile da min na, u bë soro fan min fe. I b'a jesin kôron na, k'a bolokunninw kuntaafan file. Odon na, u bë yen. U bë fan min fe kalo tilleda

min, o sebennend don sowkelen-kelen kôro. Kalotile 9 nan don, o bë san fe. N'i yelenna jiri la o don, i bë bin.

Saka Jakite


Buguni MAKO CI cikekafo balikukalanfa do

Bamananya taamasen fôlo : Cendenw



An bë Saka Jakite fo a ka bamananya kunnafoni ninnu na. An b'a nin'a fe a kana dese sa kunnafoni tow laseli la an ma.

Bamanan taamasen filanan : kalo waatiw don fen



"Hun" bëe te bokasa ye, "hun" dôw ye kônonagan ye !

Ne kônonaganna k'a soro n ma fen gan dun.

Ne siranna, ne jorôla, ne hamina.
Nin bëe soro la mun fe ?

Tuma min na ne ye n da, n ma se ka sunogo. N wulila, n ma se ka taa yoro si ; n ye n sigi, n ma se ka to yoro kelen. Oo ! Miiri ni kônonagan ani ninakili ye njogon soro ne njon na kana bo n nun fe kelen ye, "hun"! Nin bëe sababu ye ko kelen ye ! "Mali jamana yiriwali" sege-segesében caman y'a jira ko : Mali mogô 100 à 100, 80 ye cikela ye. Batondangan t'an fe, lulu t'an fe, taji t'an fe. Halini sanu b'an fe, o bocogo ma ni. Fo cike ni cike. Cike kelen wa ! N ye n miiri ko dôw la. Minnu ye :

1°) Sanji nata bë ka dogoya ka taa a fe.

2°) Cikedugukolow b'a la ka tine

cikelaawni bagantigiwanijiribaaralaw fe. Zoforew desera. Nemogow te fen f'o la.

3°) MAKO CI min ka baara jesinnen don cike ni cike layiriwali ma, o bë ka bin. Nemogow te fen f'o fana na. Tuma dô yere, cikela hakili b'a la k'ale ka segen sababu ye MAKO CI ye !

Ee ! Kalanbaliya, njogonfaamubaliya anibaarakcogo juguya. N'o te nin mogô saba : MAKO CI - Cikela - Zofore, u bëe ye "su kelen tabagaw" ye walima "kurun kelen kônonmogow".

4°) Min ye n jigi to misenya, don min ne welela njogonye la, Kebila kumandan fe fo Kolonjeba serikili nemogô ce 20 njogon tun bë yen, 1993 san kalo fôlo tile 21. Kumandanba, Zandarimu, garidi, despite, pariti politiki

5 njemogow, lakoliden somogötön, senetöön, bagandögötöö, zofore, dögötöö, (A.F.W.) fana tun bë kene min kan. N ye mun kôlssi yen ?

4.1°) Nin njemogow sera njogonyeyero la, midi to tolen miniti 20 ye ! Jama menna k'u makono.

4.2°) U y'a jira ko mogô nisongo binna. Hêre kuma ! Nka ko "TDR" sara ye wajibi ye, walasa baaraw ka se ka ke.

Tinekuma ! Halimogon'a woloden, n'a ma son baara ma walasa du ka dilan, aw te ben o la.

- "TDR" n'o bë wele tubabukan na ko "Takisi de dewelopeman", o sara bë soro mun na cikela bolo ? Bawo a bë jo, kaba, tiga, malo so, bene bëe sen. Nka nin si te san, fo koori kelen. Doni dun ka bon koori soro ma. Wari sorsira wereteyen. Julaw bë senefen

MAKO CI KUNNAFONI

ninnu sɔɔgɔ bin walima k'u wuli, waati min ka d'u ye.

- Ni tijε ye bεε-je-fanga (jemufanga) ye, munna nɛmɔgɔninnu ma na bεε sigiyɔrɔ kelen k'a jira ko : "an ka lakoiso jo walima dɔgotɔroso, walima furafeereyɔrɔ (A.F.W.). Awari bε bεn nin hake ma, mɔgo kelen ka sarata yeninye. Bεεk'i ta sara walasa baara ka ke ?".

O ma ke fɔ olu bε bεn dɔ la yet ka soroka na o nɛfɔmara kɔɔmɔgɔwye.

N'o wari sarala, a bε ke ka mun ke ? Nansara kalankεbagaw b'a fɔmin ma ko "baarabolo labanbanbali !"

4.3°) MAKOCI dalen dugu minnu na kalan siratege ni baara kecogo numan siratege la, k'olu ke yiriwatoñw ye ; o tɔnkuntigi dɔ ye ci fɔ ka geleya n ye ko k'a fɔ MAKOCI ye : k'a kan'a ka koori cε ka b'u da la ! K'olu ka koori peselen mɛnn'u fε yen kojugu.

- Ni mɔgo y'i miiri "Sycow" (cikɛlaw ka sendika) ka lɛterɛ cilien na MAKOCI

ma, min kera sababu ye ka dabalida 12 ka baara jo tile 45 kɔɔ. O ye bin min don MAKOCI kun.

Ne bε n ka kuma kuncé ni min ye o ye : mɔgo te jɔrɔ ka temen Ala kan. O min ye dalimasa ye. Ko t'ale keje !

Jamana in yiriwali dusu bε jɔn o jɔn na, Ala k'a nɔgɔya o bεε ye. Amiina !

Musa Dunbiya
Kebila balikukalan kuntigi
Buguni MAKOCI

ηana ma man di fɔ ko bilen don !

Hadamaden ka dijεnatige kɔɔ, a bε temen sira caman fε walasa ka laban kunnawolo kɔɔ walima lebu ; here walima bɔne. Waatiw bε ke, maa caman ka lakana nunjuru bε don maa kelenpe bolo. O maa kelen o ka o don kewale de bε bεe lase ηanabonda la ! N'a y'a ke cogo min na, dijε b'a lakali o cogo la fo ka taa dijε ban. Nin bεe de kanma jeliw b'a fɔ ko ηanaw man ca nk'u ka bonda lankolon te. Haa ! 1993 san kalo 8 n temennen tile 13, Zandaramake Cewulen Trawele fana donna ηana sere rɔ de Bamako ni San ce ! Walasa aw k'a doncogo kunkun n'a nejew bεe don, an ka je ka Mali fasò ka kunnafoniseben "L'ESSOR" ka 1993



Zandaramake Cewulen Trawele,
San sira ηanaminenjana

san kaló 9 n tile 7 bɔko kɔɔko laje. Aje 4 n na. Mun b'o ne kɔɔ ? O file aw kɔɔ :

"Kalo 8 n tile 13 sogomada joona waati 3n, "Saheli Transipori" kariba tun be k'i magere San dugu la. O y'a sɔrɔ Zandaramake Cewulen Trawele, n'o bε baara ke Seware, n'a ka ladala maramafɛn donn'a kɔɔ Segu dugu kɔɔ. Cewulen n'a ka marafa yeli ye mobilikɔɔ-mɔgɔw bε jɔrɔ. Nka mobilibolila b'a dɔn kosebe. O yεre de ye mogɔw lahakilisigi. Kariba in bolen Segu dɔrɔn, mɔbili "504" dɔ ni kalaman temenna a la. A kɔɔmɔgɔw y'i to k'o yeelenw tunuto y'u la su dibi rɔ. Waatiw kuntaa janyara. Sunɔgɔ karila kariba kɔɔmɔgɔw ne na. Nka Zandaramake Cewulen ma sunɔgɔ ka d'a kan sigiyɔrɔ tun t'ale bolo. Ale jolen de tun bε kariba kɔɔ. U ni San dugu to tolen bametere 30 nɔgon ye, wale dɔw y'a lasomi sira kan kariba dafε. Mɔbili "504" min tun temenna u la Segu bɔda la, o tun jolen bε, ka masɔrɔjirikuru dɔtun bε sira kan. Mɔbili "504" o tun nefe "witiri" bεe tun cilendon, awa alakɔlilentun don mogɔw fε fana. Kariba wεre fana tun jolen don. Mɔgɔw tun bε munu-munu na o fana dafε. Cewulen, Zandaramake lasominen, y'a kɔlɔsi ko ko bε senna. O dun tun ye tijε ye, barisa wale-jugukεlaw, "bandiw" de tun kelen bε ka sira tige ni jirikuru ye. Olu de ye mɔbili "504" diyagoya lajɔni marafa ye, min kera sababu ye k'a nefe "witiri" ci. Olu de tun ye kariba fɔlɔ fana lajɔani ka mugu mangan ci o kɔɔmɔgɔ dɔ la, n'o

tun ye polisi dɔ ye. Kabi "Saheli Transipori" kariba jora yɔrɔ min na, Cewulen ma siran. Ajiginna teliya la ka bɔ kariba kɔɔ, ka mugu cili damin "bandiw" la. Olu y'a dɔn o yɔrɔ de la k'u n'u filan te nɔgon na. U y'u senfa tu rɔ !

Cewulen kelen y'u nɔgen. Nk'a ma se k'u sɔrɔ. A kɔseginnen, a ni mobilikɔɔ-mɔgɔ tɔw ye tu kɔɔnaw mɔmɔ. U taara bɔ "bandi" dɔ su kan ani sabarasen fila nɔnin mɔgɔjoli la. Olu tun tora "bandi" dɔ kɔ.

Suleyi ηangado de ye nin kunnafoniw lase "AMAP" la (Mali kunnafoni n'a ganseli baarada). Ale ye Malidenye min sigilen bε Zanbijamana kɔɔ.... A kumana Zandaramake Cewulen Trawele ka ηanayawale kan kosebe, min kera sababu ye ka siratigεlaw ka kasara fiε waaro ka bɔ mogɔw kan".

Nin tun ye kunnafoni ye an ye min sɔrɔ "L'ESSOR" kɔɔ "San sira-kan-ko" kan. An badenw, n'a y'a sɔrɔ Cewulen tun te kene in kan nin don in na, siga t'a la, aw tun na kunnafoni in men cogo wεre la de ! Cewulen nɔgon joli de dun bε sɔrɔ don o don taamakemobiliw kɔɔ, an ka jamana duguw furancew fε ?

A ka dɔgɔn haali. Nin bεe de kanma an b'a jini nɛmaaw fε u ka wuli k'u jo ka lakanafɛn labugun siraw kan. Nɔntε, bandiw b'u ta la, taamakelaw fana bε sira kan, aa, an bε Ala bolo de ! O koni te bolo jugu fana ye. Nka !...

Je kabaara sεbenjekulu

Ginan sigicogo

Ginan ye dugu koro ye min be Tukoroba kubeda fe Banamba kafo kono.

Ginan sigira ka san 40 ke ka soro Seku Umaru Tali ma se jamana in kono.

Misikoro Nare bora Namina a donsoya keto ka na jigin Dandugu, k'a bo Dandugu ka na Tukoroba. A fatura yen.

Misikoro Nare den folo, Seyiba, nana sigiyororoni. Nka o sigiyorobenna falada do ma Npiyabugu sira la, min togo dara Seyibabugu. O waati, ji minta soroli tun ka gelen Seyibabugu. Don o don denmisenninw tun mana taa bagangen na kungo kono, u se o se yoro do la, bakoroba do tun be don tufinba dokono, a bonbonsi nigilen be bo. Denmisenninw taara o fo Seyiba ye ko tuba do be u ni koronc, u se o se yen, bakoroba be don a kono, wa a n'a

bonbonsi nigilen be bo. Seyiba sorola k'ofa ka mogow ye, u ka na tu in tige. Tu in tigelen, u bora kolan kan min jika ca. Usorola ka wuli kan'u sigiyoroi la. Seyiba n'a ka mogow sigito, unidu (4) naani nana, minnu te Narew ye. Olu ye Serikoto Kulubalu ka du, Bala Konare ka du, kagaba Tarawele ka du. Du saba in sigilen san fila, fama kulubali n'a ka du nana fara u kan. Seyiba Nare bannen, a den Gajin y'i sigi dugu kunna. O ye min ke dugutigiya la, o be san 40 bo. Ginan togo bora Gajin togo de la. Gajin bannen, a denke korobakoro Nare kera dugutigi ye. Ale ye san 25 ke dugu kunna. Korobakoro salen, a denke koroba, Misikoro (dow tun k'a ma koke) o fana ye dugutigiya ta ka san 30 ke dugu kunna. Koke Nare bolen ko, Cekura Nare Sigira ka dugu mara san 7. Seku

Umaru nalen, Cekura bannen, Bina Nare sigira dugu kunna ka 20 ke. Bina salen, Makono Nare kera dugutigi ye. Ale yesan 8ke. Karamokobannen, Ntonkoro Nare sigira.

Ntonkoro salen Makan Nare ye dugu mara san 12.. O bees ko, Jukoro Baba sigira dugu kunna ka san 9 ke. A salen Banninke Nare ye dugu mara san 4. Ale kofe, Jafe Nare sigira, o ye san 3 ke. Jafe Nare balen Jamusa Nare ye dugu mara san 9 kono. O ko Cekura Nare ye san 7 ke dugutigiya la. Cekura bannen Garantigui Nare ye san 5 ke. O ko, koro Nare sigira dugutigigolo kan san 1981. Ale de ye Ginan dugutigi ye bi. hali bi kolan in be Ginan dugu cema. Kolan in jukorola ye ko bisigi ye. A bonya be metere 10 bo dugu jukoro.

Bajuru konare animtere don
Ginan Banamba Zafu kono

Balabugu dankelen

Banjuguyecikela feere keneitiye. San o san, a ka soro be yiriwa. Dugu bee dabali banna.

Dow ko senek fura b'a bolo, dow fana ko jine b'a bolo.

Banjugu yere miiri la, cike ye feere doron de ye. A folo, a ye balikukan ke. Kalan sababu la, a ye cike feere caman faamuya, ka warri labaara cogow don. A filanan, walasa k'a yere demen, a taara a ka warri bila cikelaw ka banki la. O ye juru don a la. A ye cike minen werew san. Mogow ko Banjuguko kera kabako ye. Hakili ani dusu, olu de ye Banjugu sinsinbere ye.

Setigi Dunbiya
Kalanso karamogo jagala
dugu kono ODIMO Kita

*An b'a jini an balimake
Banjugu fe a ka an ka nininkali
ninnu jaabi Jekabaara
kalanbagaw kanma :*

Folo : Mun y'a to e ye hakili soro ka taa balikukan ke ?

Filan : E yere hakili ye mun ye balikukan nafa la bi-bi in na ?

Sabanan : Laadilikan jumen b'i bolo ka nesin i balima cikela tow bee ma yiriwa lawaleyasiraw kan?

An be nisondiya ni nin nininkaliw
jaabiw soroli teliman ye walasa u na bo Jekabaara boko nata kono.

Siyaka Dunbiya
Jamana baarada mogo do.



Mali waane ntolatan

Mali waane ntolatan min togodara ninan ko "jana wooro", o nebilal ntolatanw temennen ko, a jana sennabontolatanwkun folodaminena ni Esitadi ni Joliba cedenw ka nogon dere ye sibiridon, zulyekalo tile 31, 1993 san Bamako ntolatan keneba kan n'o ye Ominisipori ye (kunnafoni siratige la, nin y'a sine folo ye, anw fe yan ntolatanton wooro ka waane ntolatan in ke). Nin don in, ntolatan duman kanubagaw nege tor'u kono ka d'a kan, lawale fadenya ntolatan duman ke ko juman in nona, Esitadi ni Joliba cedenw ye yerejini ntolatan de k'u ne koro, i n'a fo k'olu tun te "Mali ni Malawi ani Mali ni Ezipti ntolatan duman kebagaw ye.

Nogonkunben ntolatan banna Esitadi ka kuru fila kan Joliba ye kuru kelen don.

O don kelen (sibiridon) n'o waati kelen, Ereyali ntolatanton ni "AS Mande" ntolatanton cedenw fana tun be nogon na, Mamadu Konate togola ntolatan kene kan.

Habada Ereyali ntolatanton cedenwtun ma sign'uni "AS Mande" ntolatanton cedenw ka filaninbin ye fo waleyalen. Bawu, ka fara u kanubagaw kan, Ereyali ntolatanton cedenw tun tigelen be "AS Mande" taw la.

"Dogoja te kele sa, dusukuntanya de ka jugu".

Ntolatan damine yere la, "AS Mande" ntolatanton cedenw ni kalaman wulila ka daga sigi Ereyali ntolatanton cedenw da la. Oma mako ne.

Sanga 27 nan, Ereyali ceden Haruna ye selekela-ntola do tan san fe, o jiginyoro, "AS Mande" ka jo da la, Jeran (Ereyali ceden were) y'i pan, k'ontola comin n'a kunkolo ye, k'obila a jenogon Abdulayi Keyita, min be weleko Beni Badi, senkoro, ne komiko kelen, o y'o ntola susu "AS Mande" ntolatanton kun. Seku Kante, n'o ye

"AS Mande" jo kolosila ye, o ma feere sorc k'o bali. O kera kuru kelen ni fu ye. Do farala Ereyali ntolatanton cedenwn'ukanubagawka hakililatige kan. Foro bin bali wojo kili kōntōnn, n'o binna dun...?

Ereyali ka kuru kelen in donni ye dofara AS Mandentolatanton cedenw ka cesiri kan.

Segennafinébowaaati magen na, "AS Mande" ka jalatigi, n'o ye Bakari Tangara ye, o ye ntola mine ka kene fara, metere 40 nogon, Ereyali cedenw si ma se k'a kunben, k'o ntola kerun san fe, o jiginyoro Ereyali jo da la, Bob (Mande ka dower) y'o körin k'o fili jo kono sanga 45 nan yere la. Wuliko folo kuncer'ko kan.

Wuliko filanan Sanga 58 nan na, "AS Mande" ntolatanton ceden Seku Keme ye ntola jan do kerun, Binifu, n'o ye Ereyali ntolatanton jo kolosila ye, o y'o jen, o yoroon kelen na, "AS Mande" ceden Burama bilen y'o dasi jo la. "AS Mande" ntolatanton kuru fila, Ereyali kuru kelen, daga wulila sonkala ma ye ! Ereyali ntolatanton kanubagaw sumayara. U ka hakililatige no na, dabaliban ni konoafili nan'u cooko yen.

Sanga 63 nan na, Modibo Keyita ("AS Mande" ceden) nana kuru kelen were kerun Ereyali ka jo kono. "AS Mande" kurusaba, Ereyali kuru kelen ! Tuma min jitigie jiri bëna banbanni damine Ereyali ntolatanton kanubagaw dusukun na, u ka ceden Abdulayi Tarawele ye ntola mine Mandekaw ka jo da la. K'i lamaga haali, k'a be ntola kerun yoro min, "AS Mande" ceden do y'a furan k'a bin jo da yere la. O yoro bee, Sidi Bekayi (file jo-file-tigi) ye penaliti fiye. Abdulayi yere y'o penaliti tan, Seku Kante (AS Mande ntolatanton jo kolosila) se ma k'o donnina sanga 76 nan na, Ereyali kanubagaw nisondiyara ko kura, ka da donni fegenyalyikan (AS Mande ye kuru saba don k'olu to kuru kelen na).

Kene kan, u ka cedenw y'u bila u wara-wolo la, ka ntola sebe koro tan, u se ko bee lajelen na. Tuma min ntolatan waati to tora doconni ye "AS Mande" ntolatanton cedenw senw girinyara bawukuru saba ninnudonni gele yara kosebe. O la Ereyali ntolatanton ceden Haruna nan'u jigi waaro ni kuru kelen donni ye. Ereyali kuru saba, "AS Mande" kuru saba, jama wulio kan.

Ni "dogoja te kele sa dusuntanya de ka jugun" a be se ka fo ko "dusu dese" be na ni filanin bin ye waane ntolatan in kadara kono, a tile folo ko fe, nogonkunben minnu kera olu sew file.

Tile filanan : Utikalo tile 4, Esitadi ye Jana bugukuru filanin fu, Bamako.

Utikalo tile 5, Ereyalibugora Joliba fe kuru 4 ni 0. O don kelen "AS Mande" ntolatanton taara "AS Biton" ntolatanton mine kuru 2 ni 0 Segu.

Tile sabanan : Utikalo tile 7

Joliba ye "AS Biton" dasi 5 ni 0 Bamako.

Utikalo tile 8, Esitadi ye Ereyali dere kuru kelen ni 0. O don kelen, Jana ntolatanton ye "AS Mande" dere kuru 1 ni 0 Kulukoro.

Tile naaninan : Utikalo tile 11

Ereyali ntolatanton taara AS Biton tonomi kuru 2 ni 0 Segu. O don kelen Esitadi ye "AS Mande" dasi kuru 3 ni 2 Bamako.

Jana ntolatanton y'i jengiri Joliba ye, kuru kelen ni fu, Kulukoro.

Tile duurunan : Utikalo tile 14

Esitadi taara filaninbin ke "AS Biton" fe 0 ni 0 Segu.

Utikalo tile 15 Joliba ye "AS Mande" tege ta kuru 2 ni 1 Bamako.

O don kelen, Jana ntolatanton ni Ereyali ntolatanton ye filaninbin ke (kuru ma don) Kulukoro.

Waane ntolatan in nogonkunben kun folo bannen k'ntolatanton jocogo file, yanni kun filanan ka ke :

Folo : Esitadi ka kuru 9, ka Jana d'ale kan ni kuru 7 ye ; sabanan ye Joliba ye ni 6 ye, ka Ereyali d'ale kan ni kuru 4 ye. Duurunan ye "AS Mande"

ye, 3 b'o bolo, ka Biton d'ale kan ni kuru kelen dɔrɔn ye.

Kunnafoni siratge la, kuru camantigi de b'e kuputa. O la, a b'e se ka fo ko k'a bo Biton na, ntolatanton to duuru ninnu b'e n'u gariseke don

halisa, bawu u furance te b'e ye.

Yanni kun filanan damine ce, anw b'a fo ntolatantonw nemaaw ye ko : Labenko numan ka fara cesiri kan, o de ye waane ntolatan in kupu yalonn dalilu ye, siga te min na:



Don bee ye son ta ye, nka don kelen ye fentigi ta ye !

Nin kera Jarake do ye ka bo Lafiayabugu. Sonw tun kelen be k'a tooro a ka dijenatige na. Sonjeni tun bonyara a ka du kono. Jarake kono gan ko jugu o sonko la, a wulila don do la ka taa wuludennin do jini ka n'a bila a ka du kono, ko walasa n'okorobayara o na se ka sonw nebo a ka du la. Nka wuludennin nali ma tile tan bo du kono, otununa. Jarake ye wuludennin jini ka desse. Ama se k'a ye cogoya si la. O kelen a taara do were jini. O fana tununa. Jarake nana ni wuludennin ye fo ka setanniduurula. Nka o bee tununa. Halitaayoro ma ye u la. Mogo si ma se k'a don wuludenninw taara yoro o yoro. Du

kono-mogow kono ganna sa. Bee ye i ta fo. Dow ko k'i b'a soro jinew de ye wuludenninw mine. Ja-ja, Jarake ka luwansek'e do, n'o jamuye ko Yatarak, otun bugulen be wuludenninwkan. O benna don Jarake nalen n'a ka wuludennin tan ni woɔɔnan ye. O wuludennin nalen, Jarake ye fen bee ke walasa o kelen in kana nematunu



a la. Don do su fe la sa, Jarake yaala-yaala totaara bo Yatarake bolo jalenna wuludennin kan na dibi la, ka b'o faga. O bin ko jugu Jarake da kan, a ma se ka fen fosifo. Jarake ma se ka d'a la cogoya si la ko Yatarake be se ka ke ale wuludennin fagabaga ye. Barisa Yatarake tun ye luwanse sebe ye. A tun be bee bonya wa bee fana tun b'a bonya. Luwanse waritile kelen

Jekabaara bokonata kono, an bena kuma aw ye ntolatan in labansiraw kan ani geleya minnu be Mali ntolatank bilama na.

Bakari Sangare
Jamana baarada mogo do

TULON TE SEBE SA

ma yelen a la. A tun b'o sara a nema.

Yatarake bolo minennen sa bore kono, a y'i kanto Jarake ma k'o ka wuludennin fen o fen tununa, k'o bee y'ale no ye. K'ale tun b'u mine k'u faga, an'a ka denbaya k'u dun.

A ko kelen malo ye, Jarake ma doweré soro k'a fo. A ko dɔrɔn ko

Yatarake ka bo a ka so kono ka luwanseyoro were jini.

Ni baro bora kunnafonisben kono, min be wele ko "Les Echos" (Le Eko). O boko 267 1993 san kalo 9 nan tile 3 nan.

Siyaka Dunbiya
Jamana baarada mogo do.

Kuma n'a faamubaga

Nin tun ye masake do ye. A tun nebo a ka jonek'e man di muso fe. A ye jonek'e man di ci ka taa dugu wolonwula nisongo dalaje ka na n'a ye. Jonek'e man di y'a ka so siri ka taa. A mana se dugu o dugu la, a b'a fo k'olu ka u ka nisongo dalaje sann'a ka

segin. A y'a ke ten fo dugu la ban na. A selendugulabanna, a y'olu nisongo dalaje. A seginti nan'a soro dugu to bee y'u ta dalaje. A mana se dugu o dugu la, a b'o ta mine. Fo ka na se a ka so, ka ben safoseliwaati ma. A nan'a soro masake ka fugula n'a ka

sabara bilalen don a ka so donda la. A taar'a ka so siri yoro jan fe, ka n'i sonsoro a muso ka bon ko fe. A tulo be kumakan na bon kono. Masake y'i kunfia a muso ye. Ako : a kalo saba ye nin ye, ale jarabilen don a ka jonke man di muso la. Nka bi, Ala y'u don nogn garisege la ! Jonke man di muso wulila k'i nongiri masake koro k'a fo ye ko : Ne matigi, kabini Ala ye ne dan don min, a ye ne ke e ta ye. E je fen fosi te ne bolo. Nka ne b'i deli, Ala yere jaati kanma, i ka ne mako to ne siya koson. Ne bolo be n k'o i ye. N b'i deli, i ka ne don jon ye, ka nogn ne na. Masake y'i kunmajigi ka waati ke, ka laban ka sira jini ka taa a ka sabara n'a ka fugula ta, ka taa a ka so. Jonke man di taar'a ka so foni ka n'o siri a ka so kono. Ka don k'a muso jininka. Muso ye ko n'a kecogo bee nefe a ce ye. Dugu jelen, jonke man di

taara dugu wolonwula in nisongo di masake ma. Masake y'a fo, k'a walenumandon. A seginna ka taa a muso fa ka so. Ka taa a fo o ye ko ale bera u denmuso laben ka n'a d'a somogow ma ka yafa jini u fe. Fakse y'a jininka ko yala aw kelera wa ? Ako u ma kele. Ako min kera o file nin ye. A ye ko n'a kecogo bee nefe a buranke ye. Buranke ko nin te baasi ye. Anbe nogn kalan kuma na. Ne be taa i wele masake ka so, k'a fo ko ny'e foro do feere i ma a san wolonwula ye nin ye. Ko i nana, ko an ka foro in feere wuli k'i ka bolen segin i ma. N'a y'i jininka ko yala i ka foro in no te ne wa ? I b'a fo ko a nogn ne. A tiga dun ? I b'a fo k'a fen bee be ne, ko : nka, n'i y'a ye i ser'an fe k'an ka foro feere wuli, o te dower ye.

K'i taara dugu wolonwula nisongo dalaje don min, i kosegin nana i ka

foro fe. I taara a soro waraba sonsorolen don i ka forocemakolon da la. N'i ma foro in feere wuli, n'i ni waraba tora ka nogn ben i ka kolonda la, i yere y'a don k'o da man di min na, o yee ye. O de koson ey'a jini ka foro feere wuli.

O talen lawaleya masake jena a yikunjan ka waati ke, ka jungan a disi la, ka jonke man di ka kuma jaabi.

Ako : ibet'ika foro sene a senecogo koro la. Nin te feerewuli kun bo. Ni Ala sonna, i kan be waraba min ma, itena taa a sonsorolen soro i ka forocemakolon da la tugun ! Komi jama-la-kuma te filila a tigi ma. U bee ye nogn ka fota faamu. Misiden ma sa, birifilen ma ja !

Saka Jakite
Buguni MAKOCI cikekafo
balikukalanfa do.

Dakan te sa

Nin kera ce do ye, a be baara ke kosebe. Nka, a te fosi soro. N'a ye ci ke, a te fen soro. Adonna jago la, a ma fen soro. A y'a sen don baganmara la, o fana kerebet ! A y'i sigi k'i miiri. O sigi-ka-miiri senfe, a ye dusu min ta o kera nin de ye : N tena fosi ke belen ! Ako, ni garisege b'ale ye sa, o n'ale soro a ka sidilan kan so kono.

Atora ten. A banna baara bee ma. A y'a ta ke dali ye doron. Don do, a wulila, k'a be taa fu boka na yoro dilan. A taara namasunba do koro. A tora fubo la, a nana daga belebele do sigilen ye namasun in koro. A y'a laje. A y'a soro daga in falen don sanu na. Ako : Aa, ne ma na'e jinini kanma yan. Ne ko de ko : Ni Ala bera ne son, f'a ka n son n sidilan de kan. Nont'e, ne t'a fe ! A y'a ka fu bc'a taa so. A ma hali sanu in laje. A selen so, a y'a terike wele k'a fo ye ko sanudaga be namasunba koro duguni koro ce. N'a b'a fe, a ka t'a ta, k'a ke a mako ye. Terike wulila ka taa namasunba koro.

A sera yen doron, a ye daga in ye, k'a soro diden caman be ka bo a kono. A tora daga dafe, didenw tora k'a cin fan bee, fo k'a jenamini. A bolila ka taa so a terike kanma. A y'o dogoya kosebe. Ko jaa o be ka na ale negen de. Ko didenw file k'a fari bee tige ! Ako k'ale koni t'a to Ala kanma fiyewu ! K'a b'a ta sara terike la.

Don do, a fana y'a laben, ka taa daga in ta ka na yelen terike ka so sanfe. A sinna ka daga ni didenw fili ce kan so kono, sobili sisiboyoro fe. Ala y'a to a ka masaya la ten, ka daga fa sanu na sanni a ka bin ce kan... O yoro la, ce sinna k'i pan ka wuli k'a fo ko : "fo tan, nont'e ne koni tun te bo n ka da fe garisege jinini kanma belen !"

Terike do in jiginnen, a girinna ka don so kono. A y'a soro so falen don sanu na. A nimisara. Ce do in koni kera nafolotigiba ye.

Madu Ture Zafukuntigi,
Sirakoroje Marakungo Fana
MAKOCI mara la

A ye Jekabaara kanu, barisa ale de be kunnafoni lakika di aw ma, an ka dinenatige taabolow bee kan. A ye batakiwfaniaci Jekabaara ma, aw ka duguw kono kono kan, barisa o de be kunnafoniw tinetiya !

JEKABAARA SEBENNEKULU
Laboli kuntigi
Salif Berte
Sebennekulukuntigi
Tumani Yalam Sidibe
Sebenyoro orodinateri la
Jamana gafe sebenyoro
Baarakenejognonw
MAKOCI, "OCED", "SNV"
Jensenyoro
MAKOCI, "ODIK", OTIWALE,
"ODIMO"
Labugunyoro
Kibaru
Bognognoko hake
11 000